

泰西新史攬要

德國

第一節

普魯士國

一千八百

五十六年

泰西新史簡要卷之十六

英國

李提摩太譯

上海蔡爾康芝敏述稿

德意志國

初名普魯士  
亦曰日耳曼

法皇拿破崙補拿破崙破脫之擾亂歐洲也日耳曼列邦中之普魯士國

散而力厚未嘗以武功顯一千八百六十六年

嘉慶十一年

法兵攻節拿又攻

五二四皆普境之精華所聚者也普王遣將兩禦之而師徒機敗幾不

能軍

詳見第二卷

於是拿破崙視普為藩屬者七更寒者一千八百十四年

嘉慶十

九年普王發憤為雄選士萬兵不遑所夕而積弱已久驟難吐氣揚

眉是年曾在禮誼地方與法兵決勝負普兵雖多於法兵依然一敗塗

地及至滑鐵盧大戰之際普亦與師追隨英將惠靈頓公之後則法兵

先已屢敗普兵不過隨波逐浪相與滅跡掃塵而已○普國雖無赫赫

之名而業與歐洲列國同退法兵則列國應得受大勝後之利普國自  
無不均漂湖拿坡崙盛時法國翦取普國之地幾及其半普民之數遂  
亦率達而削其半至是則全數歸還於普魯士且列國大會與地利  
都城商訂和約之際愛普逾於常格又以鄰近瑞典國之補杞蘭并全  
省並蘭因河畔之地掃劃而隸於普又因殺克生國王偏欲邀衆而助  
拿坡崙列國遂瓜分殺克生之地其近普者即交於普及至和局大定  
普已有地十萬方里按此以普地計英地一方里合華地一  
十方里蓋有華地一百萬方里矣有民人十兆丁口  
○歐洲大亂時日耳曼諸國困若顛連無可告語其民既深畏法國幾  
於八公山上草木皆兵而又恐在上者之威權太重小民日受束縛不  
能振拔故皆有求改制度之心普國大臣洞燭民隱謂若執意不從其  
請斷不能得其死力况正在蒙難之中尤應上下同心庶幾稍張國勢

因不憚苦口力勸其民先謀恢復國宇驅逐法人異日得享昇平之福

必當開誠布公與吾民一新其制度普王又於調兵運餉之十旬內明

許其民擅舉官之權至一千八百十五年嘉慶二十五月二十五日日耳

曼列邦大會之際於酌改制度一事雖未明入戲書而已心心相印日

耳曼全部之人皆瞭然知諸王諸侯已讓其輩以舉官之權矣三十年後

西曆一千八百五十四年間普王與土下議諸員會款時有一議員起而宣言曰一千八百

十三年普王已覺起而求舉官之權矣普王答曰否不然是諸君民之起不

過謀諸君法人何嘗有求舉官之權之慮哉諸君之心大不然是可見一千八

百十三年之勢不但欲逐出法人更欲求國家盡逐其民俾民各有舉官之權也

日耳曼之民雖皆求整頓制度而其實有難於歐洲列國者拿坡倫未

經肆擾之先日耳曼人羣推奧國之君為日耳曼之皇帝日耳曼列邦

之主畧如古之諸侯一秉天王之法令拿坡倫既掌法權則改而曰河

先已緣法而脫與皇之羈絆今又脫法國之牢籠遂乃各君其國各予其民棋布星羅彼此不相統屬然又恐遭外人之齷食也一千八百十五年<sup>嘉慶二十一年</sup>歐洲列國大會於奧都維恩納之時日耳曼三十七國王侯咸來赴會聽各大國之公議仍奉奧君爲盟主此三十七國者合共有民人三十兆丁口養兵三十萬名在各大國之意以爲日耳曼合衆國之局勢既定已不失字小之仁矣既而日耳曼諸王侯復會於翻覆其所商者計有兩大端一曰防外患一曰靖內亂○歐洲大亂既定日耳曼民請其君俯從前約整頓制度許民擅舉官之議而讀書之士子謀利之賈人亦皆以是爲言爰有二小國一曰漢落飛一曰烏忒柏不得不曲從民志惟普魯士國朝廷聲勢鼎盛知民之不敢拂上意也故力杜由民爲變之智若報館中人有敢冒言無忌者即日封閉其門不

許售報一千八百十七年

嘉慶二十二年

又有人籲請普王整頓制度言外有

責其食言而肥之意某大臣震怒判其贖尾曰汝等求王之人即犯疑

王之罪而日耳曼列邦之國會亦不願其民擅舉官之權且更重訂新

盟申禁各小國毋得妄改制度於是日耳曼仍暫以勢力壓民不能有

所濟請○一千八百十八十九二十年

嘉慶二十三年

西班牙國

稱爲日斯巴

亞與意大利國所屬之拿坡里國皆已更制易度煥然一新日耳曼

諸侯王見他國之民羣起要求深恐其民欲步後塵心皆惴惴普王則

特降嚴旨云風聞國中恒有辨言亂政之人良民之心皆爲其所鼓動

又敢私立會黨但求自主而不畏國權是亂民也於是日耳曼之國會

又相與重訂嚴律以遏其萌且約束報館益復嚴密若敢有助民之片

語刊入新聞紙者由官立刻封禁其助民心切敢於連篇累牘者或禁

第三節  
日耳曼列  
邦人皆欲  
自主

抑其主筆或驅逐其館主又嚴禁其民毋許無端聚會評議朝政此律  
既行民氣雖鬱然不靖而道路以目相戒不敢妄語一千八百十九年  
嘉慶二  
十四年奧國宰相設筵泥公爵語於人曰今日耳曼之民已小安矣  
日耳曼列邦公會中人惟知恪守成法然其鄰近之法蘭西已任其民  
有舉官之權日耳曼民人心益不甘凡偶見法國新章之便民益民者  
皆歛然嚮慕曰我國執政之人庶幾效法國之所爲而加恩於我輩乎  
乃遲之又久終不能得則又怨鬱之氣形於詞色惟日耳曼之執國政  
者全不知其咎在上之不能順民心非民之不能承上意也反責民之  
無良妄思干預於是上下交相咎列邦遂皆不相安一千八百三十年  
道光  
十年法民大起遂布爾奔王族日耳曼民觸發欲求自主之心又共議  
國家制我以權非服我以理徒以列國額設弁兵三十萬員名有事則

彼此相助不民血肉之軀豈能爲敵是以不敢作亂不圖列邦之公會  
見法民敢逐其君改爲民主深恐其民之效尤也更分外設重法以鈐  
制之凡有議論國事之民會一一加以嚴禁凡民雖未立私會而聞其  
偶語中涉及國事但有分毫不服之意立即捕送法司盡法懲治列邦  
又另立一約凡不服國家之犯案餘在逃無論逃至何邦皆應解送本  
邦治罪彼此皆不得袒庇又各自禁止邦內報館毋得妄訾朝章違者  
亦科以應得之罪日耳曼列邦之百工有已立會者按北習如山武各手  
業人設立公所之類  
亦有未立會者至是又禁止百工會中人毋得藉故他往以所屬惑諸  
法既立是不特不能下體民心而更益以苛暴也還有希圖嘗試者以  
哀求國家恩待我僑更改新制爲詞日耳曼列邦星夜調兵彈壓民不  
敢違亦不敢言然其心則皆已定矣今特無機會可乘耳一旦事機猝



遇必共揭竿而起○日耳曼人久受國家束縛馳驟之苦國家雖不能  
滌其自主之心然誘導自己執法如山民皆安心忍受不敢違逆是以  
上下之間雖難和治然少時張況普國舊制男女成丁以後必令當兵  
三年其在營時軍令森嚴自然戰戰慄慄及離伍歸農畏服軍令之心  
已成習慣移而畏如爐之官法自有不期然而然者至論其學策一途  
則今日耳曼全部之人幾無有不識之無者惟曰耳曼可讀之書本屬  
寥寥無幾故所讀者皆不甚多新聞紙亦絕無而僅有故外事亦不甚  
明年來教習民人之善法當時全未振興國家大小政令下民概不與  
聞亦並無下民應受之名分上之視下如長老之視嬰孩凡事不與商  
議不令操心惟以上命爲重務使恪遵功令若有謂民亦可以爲主者  
則曰此未有知識之乳臭小兒也國家應辦之事自宜獨斷獨行豈可

任其妄參末議哉

蓋是時也日耳曼一切之事候以國權為尊諸生既出書塾

之有

○歐洲諸國於教會之事大半任民意之所欲即准其隨便奉行

而不敢申禁令頒條教矣第日耳曼列邦則仍欲執風化之權使民一

休遵守普魯士國素本通行耶穌教而一教又分二門一日路德門以

路德之訓為重一日嘉溫門以嘉溫之訓為重路德之訓曰耶穌常居

於人心與嘉溫迥不相同嘉溫之訓則曰人事皆由天定路德門中人

又指為偏見於是分門別戶執理互歧即辨論蜂起一千八百十七年

嘉慶二

十二年普王降旨云汝等之教本屬同出一宗乃語拘於小節致鮮起

於末流是亦不可以已乎乃強令路德嘉溫二門中人同在一堂禮拜

又親自臨堂欲和解二門以歸一致且勸之曰凡事總以和為貴況教

化之事乎於是二門人皆遵王命願能爭端

此二門中一論人事由天所定一論領聖餐如耶穌居於人心

普王之意非強令改之也惟謂普民若喜從何門即從何門而已且各門皆不乏聰明之士亦謂王之所命實至公而至明故既退而亦無異議然自有此舉普國之教化亦必聽命於王與國政之使民遵守者無區別矣

一千八百十五年<sup>嘉慶二十一年</sup>日耳曼列邦大會之際但論交涉諸事而不暇旁及通商故彼此商人運貨往來各邦徵收進出口之貨稅意為軒輊竟有違背公道者又因通商一律之章程既未互相商訂即亦不能互相詰責通計列邦共在蘭因河畔設立關津二十七處各收各稅紛擾不可言喻且商民不知定制無所適從常有指為隱匿或科以罰鍰等事猝啟爭端當此之時假使有一國出訂立稅則使歸一律於日耳曼商務必能大有裨益日耳曼全部最大之國首推奧地利阿其次莫如普魯士普之國勢日即於強至一千八百六十六年<sup>同治五年</sup>普與奧戰

而勝普之慮心積慮卧薪嘗膽已歷四十年矣此四十年中與之氣不  
衰恒不肯讓普一千八百三十三年道光十三年普王念各國設關徵收貨

稅各不相同吾能仗義執言使之歸於一律此普執口耳曼牛耳之絕  
妙機關也遂屏奧國於局外而與日耳曼列邦聯訂一律徵稅之約約  
中大旨畧言凡日耳曼全海除奧國外彼此土貨各任商人轉運全免  
納稅其自外國人口之貨則科以通行之稅各邦皆不得斷輕斷重凡  
此應徵之稅由官彙總經收然後核日耳曼列邦之戶口按其成數均  
勻分給其戶口冊則以三年為一限按限重行查造如其生齒有增稅  
收自應增付倘有減少即行核減各國無不計肯當其互訂約章之際  
各邦皆平等相待無所謂盟主亦無所謂附庸而其命意之所在則又  
有二焉一曰報英國一千八百十五年嘉慶二十所定購糧章程之仇一

第五節  
日耳曼一  
千八百四  
十八年情  
形

曰欲民自知製造諸貨以杜英商運貨進口之七利此章既定歷十年之久日耳曼所徵通商貨稅增於前者一倍

日耳曼求新班各官吏久欲聯各王侯爲一體遇事則和衷協力共求一妥善之法彼此皆遵照辦理不但通商一端改爲合辦稅務已也千八百五十九年法蘭西與意大利日耳曼恐法人亦來聯絡更思台列邦爲一大國以杜法國之銳銳

當時日耳曼列邦之戶

口已增至四十兆若使合而爲一亦可於歐羅巴洲諸大國中分一位置但羣小邦中各有王侯其先非一本之親其後有萬殊之別東爭西競北忌南疑故雖同處一方終不克聯爲一體於此而欲圖自強之策實覺憂乎其難日耳曼遠識之士常言我等列邦若不更改制度固屬無以自強而若不合零星小邦以爲大國則際此強鄰偏處何以自存即何以相禦此議一出衆多疑之故合衆小而爲一大之心浸灌滋潤

日引月長矣○總而言之當時曰耳曼列邦中不但其時之官民同業  
累績若若皆思混一全部甚至閭閻小民偶然聚議亦皆皆有同心惟  
奧普二國先自紛爭盟主之權羣小邦無所適從自懷觀望者不厚焉  
其法以定鴻規曰耳曼雖欲稱雄其可得乎○如但以普魯士國而論  
普王之心實與普民之心背道而馳先不能合而爲一普民皆謂與我  
鄰近之法國人既各擅舉官之權我僑血氣心知豈有差別何以我王  
偏不許舉賢以達民隱而普王則曰王位由天所命天既命我爲王我  
應事聽天命豈能兼聽民言一千八百四十七年道光二十七年普宰相畢士  
麥於公議時闡明其理云普國列代之王本皆順承天命奄有大位非  
民所選而立之也天既命之爲王王自當爲萬事之主宰豈能任彼下  
民妄參末議徒以普王格外施恩寬待黎庶不似他國之君徒逞一己

之私欲罔恤民艱耳是時畢士麥已著聲望而其持論如此普之風氣

大可見矣然上下既無同心之雅措置庶政茲惟艱哉○一千八百四

十八年道光二十八年日耳曼全部中一小國之王聞法都巴黎大亂之耗深

恐已國之民從風而靡或亦釀逐君大禍遂首先下教願順民心以襲

邦治既而殺克生王烏丞相王皆自整頓其制度俾小民亦擅微權又

有巴哇利亞國之民先因不服其王亂勢洶湧而歸怨於其執政大臣

羅拉蒙退絲及閣法民要索之端巴哇利亞民不特要王逐去羅拉蒙

退絲且求王許行二事一曰立報館一曰立議院報館則代陳民隱議

院則任民公舉賢才議論政事之得失此外各小國之諸侯亦共竭力

更改制度即日耳曼列邦之國會向之恃權勢以治民者此時亦不得

不刪其太嚴之法令○普王威實第四即位於一千八百四十年道光三十年

至是見日耳曼民各懷自主之心故於國會畧寬禁令之後數日即思  
乘此機會以期無拂乎民情爰於一千八百四十八年道光二十八年三月十  
七日下午教述明今所整頓各事逐條宣示且許日後倘有革故鼎新之  
政又於新制度頒發而後剴勸列國必須合而為一以禦外侮其致各  
國公文雖未明言應請何國為盟主而列國皆已知其有雄長之心  
矣○普王之於民也任其呼籲所久不肯有俯允之議今勿料條森  
列明言願順民情使人莫測其意向故新制之教言雖具普民不但  
喜且反疑其別有深意非出誠心其乃王維多利亞之對馬係普國之王于  
例維多利亞為英之女主雅曰太子不得干預朝政而凡有益於民之事知無不言  
言而不盡者君主自然樂從且雅曰太子與英入格之際有深相投契之習記官紳  
吐詞為國之始行師吐詞為國之深遠波及歐洲之大名士每有所知投諸太子轉  
告其君主即曰施行英國大治師吐詞起馬國有功焉及是致書雅曰太子曰普王於  
此時六州之雄章成一大體王之大病在於不肖國民而至時會已  
失機將已過始議曲為退讓奈謂事已至此反不如不讓之為愈也三月十八日



距頒行新制之期僅一日耳。普都柏靈之民忽焉不服王權，羣起滋事。焚燬於街市，以爲負固。甚至王宮之外，亦闌取雜器，築成高臺，殺人放火之事更時有所聞。兵部卽發虎符，藉兵力以靖民亂。民與兵大戰於市中者半日。普王盡然變之十九日，不得不更易軍機處大臣，重議俯順民情之制度。於是重復下教，其寬待百姓之處較前日之教尤爲切實。○普王旣下從民望，許以夏易制度，俾民得受其益，而轉移卻甚捷。逮是年四月間，遂令普民不論大家小戶皆擅舉官之權。民會中人之捧讀教言者無不欣喜過望。然王雖格外從民所欲，而民與國家仍不相安。議院中諸新議員往往舍大事而拘小節。一日王下教院中，內有余蒙天恩一語。議員力請於王，務須刪汰。其意蓋欲使王知國事非主於王而主於民也。凡普王昔日所命之諸大吏，議院又欲盡黜之。似此

舉動於大事毫無關係徒令王憤無填膺而已民間則又因普王與議

而小朝廷之故深恐一旦禍作先共停罷貿易貿易既罷百工皆歇

間居百工既歇而無事即不能猶取蠅頭以充口腹若輩不能安食

每肇大亂然民會中所舉議員仍先互爭小節貽誤大事在所不顧也

○普王以民會之言謬也心甚恨之謂不識深情厚貌無非欲加惠於

民而民慮反視之也不特此也普王本甚欲為日耳曼列邦之盟主適

值公推之際不料列邦仍推戴奧皇心益悞矣日耳曼列邦大會時普王

普王不答因思民氣易驕今若曲予優容禍亂必更蜂起遂決意示

以殺制先由軍機處頒行諭帖云普國舊日之制度今不能全改矣普

民方欲有言但見和黨都城之六街三市間皆已安置重兵遂不敢逞

其時總統兵事者為藍格勤將軍肅律森嚴風行山岳至是年冬十一

月又因民會過於繁聯之故嚴飭散值民會之領袖正危坐間遭眾兵

連其坐位從議院昇出置之於街坊民亦仍無可如何也一千八百四

十九年道光二十九年五月間又頒行新改新制度之律律文中守舊者多維

新者少民至二十四足歲雖皆可以舉官然須分爲三等按其納賦之

優絀以定舉官之多寡從此普之富室納賦多而權漸重貧民納賦少

而權漸微至今雖已改爲他律而舉官之法仍照此律

一千八百四十七年道光二十七年二月間普議院中忽出一名世之英曰畢

士麥年甫三十有五耳論其狀貌魁偉雄外已爲世所不經見之人其

祖若父亦普之大族富有金鎗祇習於奢佚坐舉士麥而漸有中落

之勢然猶恃其少年意氣馳逐於華靡靡幾於墮此不疲眾以執務

于目之從未知其有經文緯武才也年逾而立忽焉折節讀書且慨然

第六節  
紳士傳

以國事爲己任及見普民染歐洲各國之習氣銳意求新則不覺鑒形於色恒語其所親曰君主之位惟天所賜此理亘古不易人奈何妄疑定理哉又見普王不得已而欲順民情心更不悅每值議論國事之際激昂慷慨力助普王以保大權且竭其平生之力堅言岌之崔貴豈知恩德王奈何而欲讓之英銳之氣倍於詞前而其聰明之氣又溢於言表故爲時未久凡重視王權之大小各臣僚已公推畢士麥爲領袖矣然畢士麥之心豈真欲王權之過重哉嘗見普國當時之制度不甚妥洽又豈須與忘整頓哉特以普民易動而難靜國權稍損尊嚴民亂必滋反響況普欲舉日耳曼諸王侯而盡更其體統尤必須先使普王獨掌其紀綱故同一尊王也較之泰令承教隳然不振者實不止上下牀之別○普王知畢士麥大有才具且能力保王權也深器之適日耳曼

列邦大會於翻覆即命畢士麥赴會恭代普王宣布忱悃旋又命往俄

京充出使大臣名位漸隆幹濟漸顯一千八百六十一年咸豐十一年斐迭

德威良王謝世王弟威良第一即位益任用畢士麥權日以尊一千八

百六十二年同治元年又使往法都巴黎商機務畢士麥日記中有曰余

初見各新聞紙摹繪法皇小像照如郭重而老於康頤因其橫加譏誚

今親見法皇始知新聞紙之謬妄至於法后天生麗質儀態萬方余所

及見之美人罕能得其芳艷且於余謁見之頃深情厚貌令人生感云

云可謂推崇之至矣會不知甫閱數年即與之一矢相加遺也噫○畢

士麥尚在巴黎普王威良第一特降黃麻宣入給屏命為宰相夫畢士

麥之相普實有難焉者其所命意而欲見諸施行之事議院中諸議員

大半與之相左奏西通例當時之奸臣必誌議院大半同心始克安於其位否則終是而解相印者此一矣幾能相矣而

宣與王一德一心王雖未能深知其作用而欽佩之意形於詞色且欽  
佩畢士來者不獨王一人已也兵部尚書分瓊普之名臣也總統兵馬  
大將軍毛齊歐洲名將之冠也亦甚推崇畢士麥畢士麥更自具深識  
遠見凡普魯士棘手之處日耳曼列邦憂心之處無不了然於胸次因  
而思得君如此其專也我道大行興普魯士一國固不待煩言即安日  
耳曼列邦亦易如反掌彼小民之阻撓議員之梗拒曾何足恤又豈肯  
以區區之物議遽戾其安內攘外之壯心哉○一千八百六十二年同治  
年普王威廉第一以爲創張國威必自整飭我行始而度支之歲入有  
常藉非多取於民豈有餘資以供軍旅乃甫議加賦下議院即百計沮  
之王遂仰屋而嘆束手無策然其心之惡諛員者積而愈深矣是年畢  
士麥人相即以全力助王旋以相府嚴檄諭下議院云國事不能不治

民間即不能不捐其私財濟此公費汝等既不欲民之輸資以治國國家即不欲汝之獻議以誤民今汝等可各暫回里占家食之吉檄到如律令又核定嚴章凡各報館敢有妄言以亂衆心者論如律晉王於是得行其志然前後四年中普國求新班諸官吏以新宰相之爲政恃勢力而違制度也罷諸謗讟俱集矢於畢士麥之一身繼見宰相與他國交際諸大事其識見之超卓迥出於擬議言思之外無不驚而異之掣肘者漸少及至與奧國齟齬之際命將出師膚功迭奏議院諸員於國家加徵賦稅之舉無有不踴躍遵從以助成畢士麥之大志者畢士麥即亦不必顯違制度以折議員之氣議矣惟畢士麥當時非不自知矯枉之過正也故於一千八百六十八年同治七年牒請下議院查覈相府歷年議決各事有益於普國否也議員二百三十人聯名覆稱相國之政

實於普國大有裨益故雖違犯制度實不敢爲相國替其退有後言者  
不過七十五議員耳而普國已由是大興畢士麥治國之法亦卽按部  
就班悉遵定制而普王仍執治國大權惟上帝所賜之威見既非由  
民間之所舉卽不當有民議之妄參其時政府中不乏名流執是說者  
亦十人而七八乃畢士麥之見解更高出於王及諸大臣卽建議云王  
言固當然欲成上下同心之美不若任由百姓之舉議員旣而正與政  
府諸大臣皆從之普國之內治更安於磐石矣

普之險阻艱難在於奧地利阿一國奧執日耳曼列邦之牛耳垂數百  
年其待普也鄙之如不足齒數之小國故普之切齒腐心於奧也亦垂  
百十年乃至是時普之疆宇水陸交通首尾銜接其大臣多聰明才智  
之流其小民又累戰承平而無事故國勢日見其興奧之疆宇零星而



孤露遺省梓有民變維恩納都城發兵往勦路途遙隔所費不貲其大  
臣雖不替庸闇亦不甚英明故國勢日見其衰然猶貪雄長日耳曼全  
部之虛名是不啻自速敗亡之禍也普於是駭駭然欲度驍驍前并不  
屑爲狎主齊盟之故事有與奧畧有違言即使事屬細微亦復函牘交  
馳斷斷然不少假借奧皇漸不能堪又恐普之得占上游也故雖實有  
自知背理之處亦偏不肯稍屈日積月累和之一字各等諸太空之浮  
雲而普相畢士麥早與俄羅斯法蘭西二國訂立私約謂萬一普與奧  
有兵革之禍俄與法皆如楚漢鉅鹿之戰諸侯皆從壁上觀畢相又知  
意大利一國受奧國之欺壓亦已多歷年所奧若敗於普意亦必不助  
平奧故決計與奧爲難無所顧忌矣○當普與奧之猶未失和也畢十  
麥先力勸奧國不若與普國戮力同心共禦外侮一千八百六十四年

同治三年遂遣兵以伐丹墨國丹墨雖防秋有策而一小豈能敵兩大豈顧私肥省先報失守火司天省相繼淪陷奧普之師始罷但翫私肥火司天二省皆與普壤地相接罷兵而後畢士麥按驗與圖謂宜悉隸於普國奧良却越國鄙遠之難固不敢據以爲己有然不甘普之坐大故欲使二受之地自爲一小國而立飛特里公爲小王飛特里者擅世襲公爵之榮而與奧皇相交好者也立以爲王必能遵奧之制度以治二省是不啻奧之附庸也畢士麥執不可相持一戰至一千八百六十五年同治四年兩國重行會議乃以火司天省歸於奧意癩私肥省歸於普外觀雖似公平而以皆不能從其奢願之故卽皆不能得其歡心甫閱數月彼此又緣瑣事互相責備刺刺不休間或涉及分地之語更悻悻然見於其面洞詰時局者皆謂普之與奧萬難免於戰爭矣一千八百六

十六年

同治五年

普之軍事皆已犁然各當舉相甚喜因與王議曰奧恃其昔日之雄不肯爲我下然紛爭不決豈有了局之時臣意若有機會可乘必當一鼓作氣力屏奧於日耳曼之外遂合日耳曼列邦爲一大國而推普國爲之長庶幾長治久安之道也是時奧皇已使其大臣與兵部尙書等共籌制普之道普大將軍毛奇則日在軍中討士卒而申儆之大有氣吞全奧之勢矣○日耳曼全部中有數小邦尙甘心奉奧以爲盟主其餘皆豫籌戰事躍躍欲試然奧與普尙惴惴於兵凶戰危之戒未戰以前亦曾彼此設法冀以玉帛弭干戈然忿不能平卽議終莫決是年六月十七日奧皇宣諭曰普魯士祇知有己不顧人之肥瘠實屬大背天和朕欲合日耳曼全部諸友邦以殺其勢是月二十二日普王之猶子非特麗措將私公率師趨波亭爺小國境外聲言本爵此來

蕭以防懷奸還詐不遵和約之奧國無與他人事從此兩國聲色俱厲而戰事成矣

普國既制於奧又逼於法上潮備受凌虐之際至此而始克揚眉吐氣  
與奧人示戰蓋相距垂六十年矣不知此六十年中兒有隱繫歐洲  
全局之大事雖以先覺先知之聖亦復百思而不能到也普人尼姑喇  
族得寶賜名老窶人子也在普從磨銅師習學製鎖一千八百六年  
十一月得寶賜年十九歲於配鑰打鎖諸書畧有心得遂辭其師而遠適  
異國冀以手藝求口實行至節拿地方正值法兵來攻節拿普師敗績  
之後但見屍積如山血流成泊皆普魯士之將士也得寶賜傷心慘目  
不禁淚落如縷席偶於道旁拾得一鈴端詳審視又不覺喟然曰此歐  
洲鈍器之首也我國之人持此以敵拿坡崙部下訓練有素挾持利器

之兵是何異以卵敵石乎我既以製鎗爲業若舍鎗而製鎗不過一轉移間耳異日替製一鎗較法兵所執之鎗更益精利則昔之勝法抑又何難之有哉遂卽簞騰履躋兼程向巴黎而去夫國之盛衰繫於君王及其執政之大臣固也故地球之大知人論世之家鮮有外是而他求者乃不謂普盛法衰之樞紐竟繫於區區一銅工也噫天下之奇孰有奇於此者哉○得齊賜既低法境直入巴黎訪知有瑞士國人包狸向以製造洋鎗爲業寄寓法都法皇甚加寵異遂入其廠求供使令包狸許之甫閱數月包狸愛得齊賜之靈敏卽倚以爲臂助且語之曰法皇今命我在廠創造新式鎗枝可於鎗之後膛納人藥彈此鎗若成誠軍中之利器而舊鎗盡成廢物矣得齊賜怦然心動卽日夜籌思後膛鎗之法而秘不以告人包狸亦竭盡心力以製新鎗於是拿坡崙子包狸

以崇銜又厚賜以銀金俾之既富且貴於製造新鎗以外無旁鶻之心  
思○當是時也法國之雄風爲古今所罕有拿破崙既棄抱奇才假使  
此後膽鎗者刻日鑄造告成則又佐之以利器於是爲歐羅巴金洲之  
主猶反手之易耳而不知包狸廠中已有人焉決計必成此鎗而又若  
戒朋之使不遽成及至一旦屢成拿破崙已埋骨於荒島之黃土此中  
不克一逞其志而反陷後之人以慘遭荼毒之憾也天下事之難以逆  
料又如此○包狸雖奉法皇之命以鑄後膛鎗而試用之頃殊不靈便  
亦姑俟之異日及當拿破崙就擒之歲別有巧匠創鑄鎗械之銅帽一  
觸其熱星火猝震不必如向之鳴銃者必待火線以取火火繩以引火  
始克棄彈齊飛矣得資賜知之先取鑄就之銅帽苦志力索改使更靈  
而更捷至後膛納入藥彈之鎗其廠主包狸雖未能得心應手而得資

賜則恒於工畢休沐之暇銳意研求然猶自一千八百三十五年

道光十五年

年經始創鑄以來歷二十年之久始克臻於無憾旋即賜詔普廷及經

普國之鑄於軍旅者逐加考驗舉口一詞皆謂大適於用普廷立撥鉅

金發交得寶賜俾之別創鑄鎔大厥專習名工匠多鑄後贈鎗旋錫名

曰鐵鎗一千八百六十四年

同治三年

普與奧連兵以伐丹墨普軍中已有

能用此鎗者衝鋒陷陣精銳獨於他鎗之上普王大喜賜封得寶賜以

世襲之爵并命增募良工仿造鎗枝期足普國全軍之用是時他國亦

習聞普之鑄新鎗也然未知其靈捷無匹故但視為整頓不鮮之事及

一千八百六十六年

同治三年

普與之畔既啟普軍中皆用後膛鎗既精且

強遠勝於前軍之鈍器與人雖悍何以堪之

非特鹿指將私公之奉命王波曉諭也部下有精兵三營旋挖軍符畧

謂與兵若來抗拒，即以全力搏之。與兵若已敗潰，即以全師追之。至沙  
賭窪而止，以稍後命及戰。與兵雖一身是膽，猛進不止，但忽遇普之新  
銳與彈未及普營，普彈已發，與隨蓋新銳之力，遠於與鎗也。與鎗更不  
及新銳之速，與將遂無計可施，非舍命狂奔，即束手待斃耳。開戰之始  
在一千八百六十六年同治三年六月二十七日，與有一營兵營與新銳幾  
致死無噍類，全軍大震。非特麗措將私公率師猛進，戰無不勝，攻無不  
克。七月初三日，果已長驅直抵沙賭窪，距始戰處七日。是日又與沙賭  
窪與戊卒戰，殲其前鋒亦以千百計。非特麗措將私公正在督戰間，與  
之礮隊大至，與營又深得地勢，普之礮力所不能及，而與礮已連環轟  
發，普軍三千人竭力鏖戰，歷三四點鐘。華辰二時許，西曆六月廿六日，英軍  
戰後計亦報記日之云，戊卒死也。  
兵大敗，檢點軍籍，其未受傷者僅二百四人，是十歲中已被殺其九



似此挫折旁觀者皆恐普不能再逼與營矣不料與之右軍忽有鎗彈  
飛入霎時間鎗聲雷震彈影星飛與兵折腰斷脰死傷枕藉與將大駭  
謂飛將軍從天而下也不知普世子正率普兵第二隊在後策應忽聞  
前軍礮響則怒馬當先衆軍亦馬步齊發馳至沙嘴塞適值與營之右  
與兵方將奏凱敵初不料援軍之速至猛見普兵一律穿藍色號衣加  
一幅蔚藍天平空壓下其手中既各挾新鎗又佐以新式大礮直向與  
壁之疏罅處紛紛亂打與兵雖於病交集而氣不稍衰飛請中左兩軍  
同來抵禦究之辛苦之餘生不能敵斬新之猛士肉薄血飛者一點鐘  
普軍手鳴鎗足踏塵沙痛殺不休卽前驅不止但見屍骸亂壘中流  
血汪洋幾有溝渰皆盈之勢與軍不能支遂大潰是役也與兵或死或  
傷統計折云三萬二千人普軍則少九千人誠惡戰哉○與既受此大

捷高不能再禦普人七月初五日奧皇願割介於意大利東北之普爾  
天一省地交法皇督軍而轉交意大利國統屬旋又遣使行成於普至  
八月初五日和約已定普王親臨議院諭於諸議員云感謝天神恩佑  
一戰功成此後合日耳曼全郡而爲一國當不慮再有梗阻矣歡慶之  
意見於詞色夫歐洲近年和戰之局固不致如古者之曠日持久也然  
似此大役乃自始戰以迄罷戰不過一禮拜計自失和以至議和不過  
七禮拜四十則雖疾風掃殘櫓雨摧花亦不足以喻其神速矣○議訂  
和約之際普所要求於奧者奧皇不敢不許普軍中糧餉軍火等費無  
一不取償於奧爲數以千萬計昔年奧助普國割取升國之兩省地一  
省分歸於奧者今則盡歸於普蓋耐天一省地則託法皇以交於意皇  
奧已苦不可言矣況又允合日耳曼爲一國以屬於普奧雖不有普屬

之內而斷不敢再有阻撓奧國歷年盟主之榮一旦淪喪不更廢不可  
言哉昔在日耳曼全部既痛過歷代阻撓之國之氣遂舉一日日落非  
一日黑色一日懾掃一日翻覆凡四地盡入於已

法皇意欲拿破崙居恒誇於人曰朕若不欲窮兵黷武即可使歐洲全  
境永無烽煙之警蓋法國歷年以來皆自謂歐洲安危之大局全繫於  
其掌握也今見普國之勢忽焉蓬蓬勃勃心大不懌且新興之大國與  
法僅隔一蘭因河觀其情景斷不肯再居法下心又大不安乃先為嘗  
試之計法政府以皇命致書普相畢士麥曰貴國與奧國交戰時朕先  
許貴國不加阻止今果大獲全勝不勝欣賀朕意貴國與我國昆連之  
地如某某者皆指普之盡交我國管轄則大妙矣畢相國即日削牘答  
法皇曰會意矣悉然日耳曼之地即微而至於一寸亦斷不予人也又

使人告於法國派駐普都柏靈之公使云貴國自若再語及索地之事  
恐大亂之禍即懸於眉睫聞矣法皇既接畢士麥覆書又得使普大臣  
賡奏羞憤不可言喻然不敢再置一詞聞其事者皆哂法皇之躁妄於  
先而畏意於後也而又共知普魯士之意必欲合日耳曼爲一國者不  
但藐與國而顯爲敵且將凌法國而隱爲伺也惟法皇已忍氣吞聲普  
自難退爲無端開戰之舉況日耳曼北境諸邦雖皆願自合於普南境  
諸邦尙有不盡同心者若但恃迤北諸侯王之力以與法戰恐未能操  
必勝之券故亦姑虛與委蛇俟南北諸邦盡合於普則無慮法人之強  
矣於是普國先善白爲謀竭力講求聯合日耳曼而徐圖法蘭西○迨  
一千八百七十年<sup>同治九年</sup>普與法戰法人大敗<sup>普軍第十五次大勝</sup>日耳曼全  
部諸邦無不願合於普魯士於是普魯士改國號曰德意志而尊普魯

士王爲德意志皇回溯累代以來法人自恃其勢虐待普人今幸天假之機盡雪前恥始歎向之日耳曼之各君其國各子其民者誠自弱之道也故既合而遂成歐洲一強國各強國亦知德意志於歐洲中境實已自強不息斷不敢再懷藐視之想且明於時局之諸名流尤深喜之謂日耳曼全部人本非好戰之種類今既爲政於歐中歐洲可永慶昇平不若法蘭西爲政時好大喜功各國皆惴惴焉不知旦夕間忽有變局否

普國欲合日耳曼全部而爲一國之心五十年如一日通籌帷幄不知幾費經營今始克償素願然有心人從旁默計知其非比等閒也廢財如流水之不可紀極一也明於治國之諸豪傑專其心於整軍經武二也夫兵者不得已而用之非可視爲上策也譬諸耕稼所布種於大田

者今已成熟謂宜靜收穫之法蓋藏之計也而惜也感良第一皇與畢  
士麥宰相不肯諫民亦勞止迄可小休之詩專心致志於戎行者數十  
年迨乎功成名就仍未許鑄劍戢爲農器也民既助上以同仇敵愾宜  
卽加恩施惠於其民乃憑權仗勢之心猝難滌盪甚至三公百僚亦皆  
自然而然與君相之心如出一轍是以治國之法恒束縛其民而馳驟  
之不能任其有優游自在之樂日耳曼民何不幸至此也蓋意德國成  
良第一皇與畢士麥相國在世一日以權勢治民之心卽亦在世一日  
他日者若使破奧勝法合全部爲一國功業炳於宇宙之諸英流相繼  
謝世日耳曼人庶幾各有生趣又使繼前人而治德之大臣銷兵氣以  
爲日月之光日耳曼人庶幾可免自前之拘束而凡事益見振興矣  
普魯士本國之民數共男女二十八兆名口有奇其餘日耳曼諸小國

不過十八兆名口有奇及合而爲德意志共有男女四十七兆名口德國亦有上下兩議院上議院諸大臣大半皆德皇所命下議院諸議員則爲民間所舉舉官之民分爲三等雖在上之意不必畸輕而畸重然既按其納賦之多寡以定舉官之數目則富家納賦既多官權自重貧家納賦既寡官權即微乎其微且德民尙時有託人代舉議員者欲求痛癢相關其可得乎至德之定例下議院員各給以俸每日約可得英金一鎊以帶帶而計每年約可得英金一千四百鎊不准辭謝此亦談時事者所不可不知者也

普人之奉耶穌教者不足三分之二奉天主教者適足三分之一其餘則奉雜教不必瑣述耶穌天主二門分司教化其公費皆由國帑開支耶穌教分往各省之主教均由普廷簡派使之專掌教化之事天主教

之神市則由泰教者公舉而國家亦得操進退之權○德皇之於學校尤重視之定例民間幼孩已屆讀書之歲必令入塾從師違則逮其父母而予以懲罰故通計常年入幼學塾按門如中國讀書者開業師之類按日耳曼全讀書者共有稚男弱女四百八十萬名口約古普魯士全境生齒六分之一按日耳曼全一禮拜城市中孩纖學費英金三辨尼約合中國制鄉間孩纖一辨尼  
約合華銀二十文如尙不敷兼准地方官量視民力派令捐輸德廷則特派一大臣總司學校之事

普人之爲男子者扣足年二十歲即須入伍充作額兵三年期滿始許歸農然萬一與他國有失和之事凡自二十三歲至三十二歲之男子仍應聽候調遣雖令從征境外不許迴避蓋所謂預備戰兵也俟此九年期過又若有兵革之禍則自三十三歲至五十歲之男子應充預備



守兵敵師入境則拒之不必入他國之境矣此例定於一千八百十四  
年<sup>嘉慶十</sup>歐洲他國之兵制今亦大半效之至於日耳曼今已合而為  
一故並無普魯士之專兵而有德意志之兼兵每有兵事日耳曼各國  
皆出兵普王則以德意志皇帝之權而統轄之承平之際通計德意志  
兼日耳曼之額兵共四十九萬二千名矢和之際可以荷戈出外之戰  
兵共一百五十萬名軍中法令最嚴最善偶有徵發不論遠近大約二  
禮拜內<sup>十四</sup>日均可齊集一千八百七十年<sup>同治</sup>九年與法示戰普人踴躍而  
為未及二禮拜之限他國之師均已畢集於期會之地故普王立此舊  
例之後以迄於今生齒雖僅有四千七百萬名口而當大禍猝起之時  
竟可發熟練之兵三百萬名而國中仍有守禦重兵足以防外兵之侵  
軼

德國報費於人之款輕於他國含借款以充築造鐵路經費不計之外  
僅結欠英金三千萬鎊耳約合華銀一百二十兆國庫每年入款共英金三千二  
百萬鎊口足敷用此三千二百萬鎊者大半收諸國家自有之公地及  
樹林鐵路礦產鐵政局等若民間所納之田賦不過英金一千萬鎊耳  
惟普魯士人又須捐資以助日耳曼合眾之德國皇以為公費德皇之  
左藏即私財也大半自徵收關稅中來納稅者亦惟普人為最多假如德國  
遇人不敷出之歲日耳曼列邦宜如各省之奉京師按其民數而加徵  
之至普民之所捐於德國者每年約英金一百五十萬鎊○普國地中  
都含寶氣故國中常年有四十萬人或充開礦之丁或為融化礦子之  
匠計每年所採之煤可重英權五千八百萬墩每墩合華權一千六百八十斤約占英國  
三分之一此外又可採鐵錫鉛銅等類○國中之民半藉力耕以餬口

但普國之田多歸富戶小民有地以爲世業者十人中不過二人又  
非能連阡累陌也均而計之其有田業之一百萬入雖名爲田戶大約  
每人不過英畝三畝合華田十八畝以下而已○德與他國通商合日耳曼列  
邦爲一國而普魯士不另區分其發運雜貨之至英國銷售者如麻如  
羊毛如木植如玻璃如小孩玩物之類不計其數每年幾值英金二十  
五萬鎊此外又有糖及火酒亦由德國運入英口銷售於英民其由英  
運入德國口岸者煤也一年少鐵也布也羊絨也細葛布也綢緞也魚也  
熟皮也化學所需之諸異品也考他國與英國通商類皆用英貨者少  
而售諸英者多惟德國與英國通商則以德貨運英易英金者少英貨  
運德易德金者多總之從英國運進德境之貨每年值二千三百餘萬  
鎊德國出口貨則每年不足二千二百萬鎊○普國共有鐵路四萬五

千里以計其中三分之一若非國家之業即係國家所掌觀其局勢

日全國所有鐵路必盡歸於德廷而後已也美國有新鐵路者一日歸德

米泥鐵路其人口但有二兆而鐵路已長達三萬里實占普國三分之二○德民不甚喜作尺牘每年郵政局

所發不過七百兆封不若英吉利本國人口但占德人二分之一而每

年發書多至一千一百兆封蓋德人之作尺牘與法人相似惟人比德

人少七分之一每年發書六百兆封亦少七分之一也惟德人最喜閱

新聞紙郵政局每年帶寄之報項與英國不甚懸殊若德人之發報信

則較法人為多然擬之英人亦僅得其半耳

第一節  
奧國一千  
八百三十  
五年前之  
情形

奧國

泰西新史攷要卷之十七

英國

馬根西元本  
李提摩不譯

上海蔡爾康芝紱述稿

奧地利阿國亦名奧斯馬加

論歐洲之大勢當西歷一千七百九十三年乾隆五至一千八百三十

五年道光十凡前後四十餘年間實為中流振舵之樞紐而奧地利阿

國皇翻西適介乎其間翻西皇本以愛民為心恒欲使其民人度化國

舒長之日然其所以安輯斯民者與民心殊不相同翻西皇之言曰百

姓豈能干治國之權亦豈可妄議朝章致驛下凌上之禍故能恪遵皇

命以盡民之愚分者斯屬良民良民徧於國中國勢自安於磐石其生

平持議大率類此其時奧國亦已有報館皇雖不之禁而凡外邦訪事

人郵寄新聞至奧特派監察御史嚴密搜查不留隻字蓋緣英法民人

屢有變遷朝政之舉若奧國報館錄入新聞新則奧民將備知外事而其氣聲豁然不靖也皇又使其親信之人遍地偵探訪若有欲效他國而縱言及於求新者朝啟羞夕就逮矣奧民莫敢言道路以目皇之意務使人之箴見皆囿於一隅而藹然爲渾厚之良民即使渾厚太過降而爲拙魯之愚民亦所不厭若任其練達世故一變而爲精明強幹之新民則奧國將自此多事矣其宰相沒透泥公爵才畧本屬超羣而縱翻西皇有一德一心之契亦謂小民若皆知教化必將逞其私臆妄亂百出國之不安皆由於此其爲治也則處以譎詐乘權藉勢無所不用其極說者謂自古至今不之以權勢馭民之國然要未有甚於奧之此時者奧民男女三十七兆名口天所賦畀之性命不敢曰此吾之所固有也祖若父所傳之財產不敢曰此吾之所應得也奧廷治國之法

卽有未洽通國無敢道一字貶一詞是則與皇幾不以人類視民矣與  
民皆有血氣卽皆有心知習見皇之識解卑鄙性情剛愎豈有不鬱而  
思洩者特念皇之心地實從愛民起見其他一切政事亦多裨益乎閭  
閻且又念我儕小民前實與皇同受法皇韋坡齋補拿破脫積年狂欺  
奇虐之毒慘今皇已垂垂老矣我儕雖心多怨望何忍使其衰朽殘年  
憂患餘生再膺束手待斃之苦茫然一旦山陵崩新君繼其位恐必有  
不能再忍者○一千八百三十五年道光十五年 翻西皇薨新君飛蝶南卽  
位值萬事更新之會與之四鄰各大國大半已更易制度民人皆得操  
議政之權而與國則仍不念民爲邦本之訓不許其民議論國政與民  
難忍之心蓄而愈深且與之前皇翻西雖嚴外邦新聞紙入國之禁然  
外邦之新法與民已無不周知遂皆欲國家分予民權任民亦稍得自

由以共成裨益身家之事惟以奧廷素不許蓬華中人昌言時政之得失無奈私相結納以貲萬有一當日積月累各府州縣無不有私會之蔓延而奧廷悍然不顧之心如故也憑仗勢力壓民私議之法如故也政之有大弊者依然不知改革民之有大益者依然不肯舉行徒以傲狠因循四字冀常保其大位至於國庫所入亦無起色歷年入不敷出國門之外債主直可雁行而立於是遍國人心齟齬不信其皇帝不信其官長禍機之起直可旦暮俟之矣○夫奧廷之舊制固遠遜於歐洲列國之新章矣而尤有一大弊相沿而不知改則亡國之徵也奧民雖同隸一國而實分兩族其一爲日耳曼同族之人其一爲俄羅斯同族之人奧廷以日親而俄疏故恒繼俄而袒日俄羅斯族類欲有希冀於國不論其應得與否往往百無一從不若日耳曼族類尙有邀恩驟惠



第二節  
法蘭西  
六百四十  
萬人口

之一日於是俄羅斯族類之是拉非人是拉非人者猶人之類名也亦曰俄加利人則以拉非得名亦曰馬加人皆謂國家既外視乎我我何妨自爲一國況古者恒加利人固自居其國自子其民今重分之誠易耳何必寄與之籬下哉與國於是大不相安然上之人若能收絃易轍亟思有以安之想與民非決欲作亂者比也而惜也飛蝶而與其大臣治國治民仍僅有二法也一曰傲狠則恃威權以制壓也一曰因循則泥成法以束縛也長治久安其可得乎法皇魯意斐禮熱視民之疾苦久不思設法以救之法民不能忍羣起逐之與民間其風聲躍躍欲試皆謂吾國皇之不知救民更甚於法皇法皇今已被逐其儲之機會至矣與廷聞之頗有慄慄危懼之意誠恐與民謬效法民亦愚耳主而不知與京中人亂謀益亟自覺時哉不可失必宜與法民遙遙相應以救與民於水火之中與相沒透泥時已晉

封王爵矣安富尊榮聲勢赫濯一千八百四十八年

道光二十八年

三月初一

日與民猝然大起奔至王相府第與廷聞警立即遣兵驅逐與民不免有受傷及被殺者與皇知不可易視暫去其歷代恃強蔑理之心而更易軍機處大臣下詔許民重訂章程以救苦難又許各報館極陳時政之弊獻治國救民之良策不復有所拘束一面傳集上下議院人員使之共議朝政凡前犯誹謗國家之罪而予以禁錮者咸赦除之民所求改之新制度一一許之又從與民之請許其各擅舉官之權不復有所區別似此諸事曲從亦可謂不遺餘力矣豈料與民不信其皇之心仍固結而不自解皆謂更改太速是誘我而散民之心也異日必別有權勢以行其肆由舊章之素志故亂勢仍不少衰飛蝶南皇知其歸不可遏深恐禍及其身一千八百四十八年

道光二十八年

五月十八日潛從維也

納都城微服而出臨去時語其所親曰今我民已受人迷執而不悟朕誠不忍逼以權勢是以降志潛蹤倘民幡然知悔則仍可享太平無事之福矣○飛蝶南皇遜位後國會中上下各官於數禮拜之中畢集維也納都城大抵國家能先立一大國會則雖時勢阨危往往無不了之局奧民見國會大集皆以爲從前所受之苦可一掃而空之矣故欣喜之情見於詞色惟奧皇既不在都城若有不能徑行直遂之事則將何以處之於是奧京之民公請奧皇返旆奧皇飛蝶南既歸默念奧民必已自知往日之咎從此安分守己不再妄生枝節矣其實維也納民求新之心曾不稍渝又聞數禮拜見皇卒無改章之意遂於八月十二日大亂重起忽隱忽現幾於不可捉摸至十月初四日奧皇之武庫被亂民搶掠一空奧大臣賴兎兒已享高年竟不得免於殺身之禍初七日

飛蝶南星又潛避出都維也納事一切由民爲政○奧亂至此實已猝  
難底定其外省如倫巴提如蜚耐天比鄰於意大利國者同時揭竿而  
起地中海羣島中有薩釘泥鴉島王又與民黨相聯絡意大利國人則  
深喜奧民之叛其君上恒加利人則曰今我輩已爲自主之國不受奧  
之籠絡矣此外又有波哼爺及雪雷瀉二省中雜居與俄同族之是拉  
非人<sup>總</sup>亦反奧皇而應恒加利人<sup>是拉非之同部</sup>維也納則民自爲政甚  
至奧皇不敢託足總之內外上下人等但有疑心而無信心但憂再受  
其皇及其大臣之鈐制而絕無畏敬之心但求設法以自救其疾苦與  
歐洲西半各國之民無異而更無顧忌之心○奧地利阿本頻年備經  
大難之國雖弱而卒不能滅故是時雖亂黨紛起僅歷數月之久又復  
次第削平民間不見烽煙之影其戡定波哼爺雪雷瀉兩省之是拉非

人者芬蘭茂王爵也。一鼓而擒薩釘泥鴉島王者。蠟臺思起總兵也。蠟臺思起又移師以平鄰於意大利之蜚耐天倫巴提兩省之亂。且飛檄南皇遜位出都之。第三日。卽有借來欺義士率勤王之眾三萬人。至維也納。維也納人閉門不納。借來欺者克卯天族人也。籍隸恒加利。而偏不願與恒加利人同心。謂若離奧而自立爲國。必有覆亡之禍。較屬奧而尤爲酷烈也。及是。奧人不容入維也納。旬日之間。已增至七萬人。圍維也納。入於內。不使之通出入。且時時飛礮入城。殺人無數。維也納人知不能禦。一千八百四十八年。道光二十八年十月三十一日。大開城門。延克卯天族入。借來欺入京。飛蝶南皇時已在借來欺軍中。維也納人約歎之後。奉迎以正皇位。飛蝶南皇曰。朕若再正南面。國中人民恐難心服。朕亦不願膺此重任。遂傳位於其猶子。翻西約瑟第一。○是時恒加利

一千一百萬人仍欲自分爲一國不服奧皇之政令其佔地若干里其

廣袤與中國兩  
行省地相似

當其屬奧之時苦海深沈幾於不可振拔凡年中完納糧

賦者皆手胼足胝於南畝之人及窮苦無所告語之人其既列縉紳而  
爲世家望族者與例俱恩免賦稅至於養兵之費養士之費及教化愚  
民之費無一不取之農家然猶就本身自有田產者而言也若其甚者  
世家之田產佃民耕種及其成熟則盡歸之田主小民終歲勤動分毫  
無所得至於官吏需用物件並不根問市價強行挑取之後任意擲給  
錢文商賈不敢爭論又若世家子弟或賒取貨物或揭借銀錢不知而  
誤付之永無歸還之一日亦斷不敢有索取之一日恒加利地方人雖  
同族類而有馬加一旁支幾古恒加利之半久懷自主之心及恒加利  
聞法人已改爲民主之國無不歆慕豔羨馬加人遂先起事亦欲自立

爲國歐洲各國之旁觀者皆謂恒加利人日在水深火熱之中今之乘機而起亦未可厚非也○奧國正在大難之中若不能設法收回恒加利人將不成其爲國乃恒加利之渠魁可訴則抱負殊不凡也起事之初諭其衆曰我等今欲自立爲一國分應竭力同心不可挾一毫私意人無論貴賤家無論貧富當盡出其所有以充內治外防之費如果勢有所不可力有所不能必俟好袖其空瓶罄罄恥而後已吾之願亦於是畢矣議既決遂逐奧官而叛奧更歷數月之久皆自治其立國之事並不騷擾他人他人亦曰恒加利離奧而自主之規模已可謂粗具矣鄰人有在其本國不能得志者如波瀾如法蘭西如意大利諸國之人皆願往恒加利相助一臂之力恒加利之總管兵事者曰哲邇治明於事理嫻於軍政隸其麾下者有練兵十二萬名可訴以所歛之錢尙不

能數周轉於是增造紙幣出納一體通用應需經費之際隨宜支付絲毫  
毫不存吝惜之心○奧國見恒加利人同懷自立爲國之心文武各官  
又各擅自強之長策環顧本國無有能制其死命者乃遠求於俄國俄  
皇尼古喇士本深惡歐洲諸國妄思自主之民者也又恐俄國之民亦  
習染其風氣而亂紀綱也遂於一千八百四十九年道光二十九年五月初八  
日應奧皇之請發兵十五萬人助奧專勦恒加利○奧與俄皆大國也  
合兵而至恒加利恒加利新立之國諸事草創豈能抗拒然猶竭力支  
持至數禮拜之久人皆服其膽畧卒之寡不能敵眾弱不能敵強每戰  
必敗每敗必退土地日以削士卒日以少恒加利各路酋長亦各漸次  
離心可訴知事不諧撫膺長歎一日以全權盡付哲邇治高飛遠引不  
知所之哲邇治雖執掌文武全權默念區區之眾豈能當兩大即使再



接再厲亦徒自殘其同族之人於是專以全權向俄軍納款俄國元帥  
派司吃味王爵受其降而奏請俄皇定奪此一千八百四十九年道光二十  
九年八月十二日事也恒加利入既敗仍爲奧地利阿之奴僕奧總兵且  
將前後擒獲之恒加利武弁一一殺之噫此非奧之甘爲喪理莠莠之  
凶人乎

奧新皇胡西約瑟第一知其民心大不服甚至如恒加利之顯然爲敵  
幾釀激與之大禍若不稍從民欲恐難再保太平因於一千八百四十  
八年道光二十八年十二月初五日特降玉音云自今日始朕知國中之事大  
半應由汝等小民爲主今降汝等各獻良謨朕無不俯聽且從今以後  
治國之制度必令衆民皆有自主之權朕於國中之民亦一視同仁毫  
無歧異等語此旨降後數月正值恒加利人奮力自保其分國之時而

與之新制度已於一千八百四十九年道光二十九年三月初七日議定頒行

畧言與國須重立議院斟改國法議院中諸議員則准民人公舉且大  
家小戶各有舉官之權不加軒輊國家之於報館亦任其隨意議論不  
加約束各教雖分門別戶國家亦一體優待一掃昔日畸輕畸重之弊  
至於學校一節國家亦必籌款振興務使人人得以讀書似此銳意更  
張力求整理即在酷意革新之人亦以爲心滿意足無所觖望矣然而  
奧皇雖立此制度大半皆出於不得已之故非其本心也是以大難既  
已削平卽漸置諸腦後而歷三年之久所謂新制度者僅有其名而無  
其實則至一千八百五十一年咸豐元年十二月三十一日奧皇且更下詔  
凡有新制一律蠲棄而仍恃權勢以治其民民雖茹苦含辛國家則廢  
如充耳矣○新章既立之後諸事雖寢閣不行惟學校一門則已竭力

惟廣與民之受益良非淺鮮按照新制內言民間一切幼孩自六歲例  
以過其生日爲一歲十分足非如推舉之條過數年卽爲二歲也以上至十二歲以下皆須入塾讀書其年  
中束脩之費皆官爲籌給不煩其父母於是民間百幼孩中已有七八  
十幼孩呶呶咄咄之聲達於里巷查三十年前凡充塾師者半係天主  
教中之神甫未免美中不足今日則亦終絕風清相去不可以道里計  
矣○歐洲各國既各具民爲邦本之心區區一奧國斷不能自異於衆  
仍以極勞治民一千八百六十年或豐奧皇約瑟又特降綸旨云今朕  
忽知之矣欲求有益於國必先上下相通等語約瑟此旨想緣出於至  
誠故旋立議院俾大家小戶真有舉官之權一千八百六十一年或豐  
十一月五月初一日約瑟皇又云今議院定矣國家收大利益在此舉矣  
是年雖立議院自一千八百六十五年至一千八  
百六十七年因與普魯士國失和亦仍舊罷議院及至一千八百六十七年同

六不但奧國向所祖庇之日耳曼同族人各有公舉之議員入院議政  
即與俄羅斯同族之恒加利人亦幾各擅舉官之權是以恒加利人公  
請奧皇及奧皇后至沛斯忒恭上奧皇尊號曰恒加利王奧后尊號曰  
恒加利妃則其愛戴之情可知矣○當是時也奧兵爲普兵敗於沙賭  
霍奧國前割意大利之地亦唾手而仍歸於意奧皇雖久爲日耳曼之  
盟主亦已爲普所削詩第十六  
章第九節艱難辛苦備嘗之矣約瑟皇第一慷慨  
而論其臣民曰奧事雖一敗塗地至於此極然使勵精圖治未必遲遜  
於歐洲朕雖至愚亦未肯遠灰壯志因念此種苦難固屬絕無而僅有  
然更有大於此者厥維國家制度不善之故今制度已改我民皆得自  
由仁在無所束縛民既無所束縛自然樂於歸附較之昔日刑驅勢迫  
政治非出於下民之悅服者不可同年而語矣且天下憑權藉勢之國

往往有民間之私會大爲國慮今奧國全無私會此可爲朕能順民心之證彼下情之不能上達者既可剴切直陳又可請其所舉之官在議院中代陳民隱尙安有上下隔闕之憂哉卽此寥寥數語可知奧皇實已於自強之治洞達無遺萬不肯再藉權勢致啟離心離德之患矣一千八百七十四年同治十年奧皇又諭曰奧民既有公舉之官在議院中與國家從長計議我國卽不憂內亂矣內事既定外人自不敢侵陵矣自強之策就有加於此者哉語尤明白切至

奧民既各有公舉之人入國家之議院閭閻之疾苦達於黜陟之前故雖喪亂頻仍而幸能危而後安諸事皆蒸蒸日上統計奧之生齒共有三十九兆每年每百人中以生抵死約計約增一人國中工作人等緣其平靜卽其興隆一千八百八十四年光緒十年入口貨物共值英金六十

一兆鎊迴溯一千八百七十四年

同治十三年

僅值二十五兆鎊者

之利市由是以推可知奧民之富於前者亦將三倍矣一千八百八十四年光緒十年出口貨物其值英金六十九兆鎊迴溯一千八百六十五年同治四年僅值三十四兆鎊耳夫以出口貨物頓增一倍而論更可徵奧國土產有蓬蓬勃勃不可遏抑之勢矣土產既多金銀充牣斯有餘資多購外來之貨此理亦甚曉暢至奧民之務農者本占三分之一農隙之際又可入叢林茂樹中伐良材以求售故出口貨物以糧食木植爲大宗又有細葛粗麻果實所釀之酒橄欖所榨之油皆產自土中者也又可剪取羊毛供他邦之織罽南省人則善育蠶每年所繅之絲約值英金二百二十五萬鎊農家更兼養蜂其有蜂箱一千五百萬座每年所割之蜜約值英金八百萬鎊若羊若蠶若蜂雖以動物而獲利然亦可

原缺

徵收賦稅之法內有兩端拙劣莫比深識之士皆竊笑之其法若何一

曰國家出售彩票以抽博進之利

按此如近年中國愚人購買西班牙國之呂宋彩票而不知西班牙月抽一頭彩之

金也與票

一曰鹽課

按中國度支所入以鹽課為大宗西人之明於理財者多加心設與中國將無同

國家歲出之款

有大益於民者一宗學校是也每歲共給英金一百七十五萬鎊

此係與英

所付之款具外又有名姓方捐助之學費亦甚可觀

與之軍需亦染歐洲之風氣浪擲黃金於虛耗幾不可以數計定例男

子成丁以後必令入伍三年三年期滿隸其名於密備兵之尺籍歷七

年而始得銷除其入伍期內有事固須從戎即預備期內有警亦應聽

徵發故承平之際額兵約合三十萬名若使兵連禍結即可增至一百

萬名與本不恃博險沿海之地亦屬無多然亦豫備兵艦且其中鐵甲

船甚多費鉅而用未必多也異日者他國或得摧殘鐵艦之法彼乘風



題

破浪者亦復何所用之哉